

علوم و اقتصادی و اجتماعی

مجموعه

هر آیت برنجی کونی نشر اولنور

مؤسسلی :

احمد شعیب ، رضا توفیق ، محمد هارید

مندیها :

حیات اجتماعی : بدیع نوری . — ایکجی فلیب : احمد
شعیب . — زراعی پروگرام : احمد مختار . — مباحث روحیه :
ساطع . — تربیه عقلیه : دوکتور ادهم . — تربیه ، تحصیل :
فاضل احمد . — فرانسه اختلال کیری : احمد شعیب . —
یکرمجی مصرده مسئله اقتصادی : حسن نحسین . —
۱۸۶۵ و ۱۸۶۹ سنه لری استقراضنک مقاوله نامه سی .

مدیر و صاحب امتیازی :

محمد هارید

امور اداره و تحریریه : نور عثمانیه جوازنده طنین اداره خانه سی

نسخه سی : ۱۰ غروش

استانبول

باب عالی جاده سنده هلال مطبعه سی ، نومرو ۶۶

زمانه خدای کبری

— مابعد —

انسانان جماعت حالنده بولوندینی زمان فردك سویه عقلیه سی در حال
حائز اهمیت بر صورتده تنزل ایدر . تهلیکه و مقاومت احتراسانی تزئید
ایلر . جماعت حسیات بسیطه و مفرطه دن باشقه سنی طانیماز . خلق
متعصب و طرفدار تحکم در . حکومتك نفوذی اورتادن قالدینی کبی
عوام کندی حسیات مفرطه سیه اطاعتله همان آناشیه دوشره عوامك
حرکاتی غیر ارادی اولوب تفکر و تمقل یوقدر ؛ فوری و متلوندرلر
جماعت حالنده اولان انسانلر اکثریتله پاك دون بر سویه اخلاقیه
مالکسره . چونکه خصیصه مخربه مندمج اولان سوائق طبیعه وحشت
ازمنه ابتدائیک اعماق قلبزده خوابیده دوران بقایاسیدر . شخص
منفردك حیاتنده او سوائق طبیعهك تطمین و تسکینی موجب تهلیکه دره
لکن غیرمسئول وعدم مجازآدن امین برجماعنده فردك تمذل و امتصاصی
بوتون او سوق طبیعیلرک اجراسه بر حریت بخش ایدر . یالکز باشنه
بك تربیه لی اولان ذوات طوبلاندقلری کبی مدینك الك دون درکسسه
اینرلر . جماعت مخلوقات اولیهك بوتون شدتلرینی ، وحشتلرینی ،
قهرمانلقلرینی کورسته ریر . اوت ، قهرمانلقلرینی ده . چونکه جماعت قتله
و سائر هر نوع جنایاته مستعد اولدینی قدرده شخص منفرد دن زیاده
علوی اغعاله مثلا فدای نفسه ، تجرد منفعتده مستعددر . عوام طرز

تلقینه کوره بدض کره جانی و بمضاده بر قهرماندر . ایشته فرانسه نلک تسلیم نفس ایستدیک . حکومت حقیقه نه یاندیغنی غیر مدرک بویه بر هیاندی . اون سکنز آی تجربه دن صوکره اختلالک عمیق و دقیق راصدرلندن قالله دوپان دیور : « هونلر ، ههرؤلر ، واندالر و غوتلر نه شمالدن ونه ده بجر سیاهدن کله جکلردر . اونلر بزم کندی آرا مزده در . »

بر بناده مرکز استناد اولان اک بویوک کیریشی اکیلکه باشلادیغنی زمان چاتیردیلر چوغاله رق نتیجه ده ایکنجی درجه ده کی کیریشلر برر برر بیقیلیر . ایشته بونک کبی نفوذ حکمداری قیریلجه هر درلو اقتداری یالکنز او منبعدن آلان سائر بوتون قوتلرده دوریلیر . آرتق کهیالر ، پارلمنتولر ، عسکری قوماندانلر ، حکام ، پولیس ... قورقودن تره شیورلر .

قوماندانلرک بر چوغنی یا محبوس و یا خود محصوردر . اهالی مأمورینه هجوم ایدرک اولرینی یغما ایدیورلر . حکومت قالمادیغندن سرسریلر ، جانایر جان و مالک حاکم مطلق کسلیور . بوتون شهرور و قصبات بر خوف مبهم ایچنده . هر کس مدافعه نفس ایچین مسلح . اک فقیر بر کویلی بیله اون ، اون ایکی فرائق الله ایدرک بر تفنک صاتون آلیور .

یوتون کویلرده ، شهرلرده ملی میلیساردن متشکل دوریه قوللری دولاشیور . دوائر بلدی نلک طلبی اوزرینه عسکری قوماندانلر اسلحه و مهماتی بوکوکلیلره تسلیم ایستیکندن آلتی آی ایچنده ۴۰۰۰۰۰ دن فضله تفنک ملتک الله کچور . بونکله ده قناعت ایتیمه رک بالاخره طوپلری ده آلتی ایستورلر . بعدما هر درلو نفوذ و قوت ، واسطه اجبار و اخافه ایشته بو آدملرک الاری آرد سنده در . فرانسه ده حیات عمومی ۱۴ تموزدن اعتباراً هر شهرده بو حالددر . بالطبع واردات عمومی دولت کیتیکجه آزالور . هر یرده تحصیلدارلر ، مال مأمورلری انواع تحقیرات

و تعدیاته دوچار اولویورلر . قاجاقچیلر آرتق علئاً یابیلیور . هرشی
 احتراصات شخصیه نك شكاریدر . واقعا رهبان ، زادكان و صنف متوسطك
 اغیاسی دولته قارشى اولان بورجلرینی ویریوریورلر . فقط بر جمعیتده
 علم و عرفاندن ، رفاه حال و وجداندن نصیبی اولانلر بر فته قلیله در .
 كتله ناس خودكام ، جاهل ، محتاج اولوب پاره سنی انجق تضیق ایله
 تسلیم ایدر . حالوکه بوتون کوییلر مسلح و چتله یامش اولدقلرندن
 تحصیلدارلرک جبراً ویرکی بی تحصیل ایده یلك اقتدارلری خارجنده ایدی .
 دیگر طرفدن بعض افکار مفرطه اصحابنك تشویقات و تحریکاتی نتایجندن
 اولوق اوزره زادكان و رهبان هر پرده مظنون . مکتوبلری آچیلدینی
 کبی اقامتگاهلری ده آراده صیراده تحری اولونیور ... حاصلی انحلال
 ایدن بر جمعیتك اورتاسنده ، هر درلو اقتدار و نفوذی غائب ایدن بر
 حکومتك کوزلری اوکنده فرانسه اوتجی و اونبرنجی عصرده اولدینی
 کبی یکیدن باربارلرک استیلاسنه دوچار اولویور . بواسطه شدتله باشلیه رق
 دهشتله نتیجه لنه چك در .

رؤسانك اقتدارسنلنی ، معیت مأمورلرینك عدم اطاعتی ایسه پانختده
 ایالاتدن دهها زیاده در . یارسده بایی اسخنده بر بلدییه مدیری وار : لکن
 ایلك کوندن اعتباراً مجلس بلدی یعنی شهرک وکیلرندن مرکب مجلس
 کندى باشنه اداره اموره آلیشه رق مدیری بوس بوتون اونوتمشدر .
 ذاتاً بوزمانده حکم و نفوذ هر پرده ایدی . هرکس قوماندا ایتکی
 بیلور ایسه ده کیسه اطاعت ایتمیوردی . بو عاداتا هر آغخی ، هرالی ، هر
 عضوی بر ذکایه ، بر ارزویه مالک اولان آدمك حاله بکزییوردی .
 مثلاً ایاغك بریسی یورومك ایسته دیکی حاله دیگرى استراحتی ارزو
 ایدن ، معده غدا سنی طلب ایدرکن بوغازی قبانان شخص ناصلسه

پایتخت ده اولیه ایدی . پارسده آلتش جمهوریت واردی . چونکه هر
 قضا مستقل و منفرد اولوب بلا تدقیق هیچ بر امری قبول ایتیموردی .
 و اکثریاده حکومت مرکزی و دیگر قضالره حال اختلافده بولونیوردی .
 اخبارنامه لری آلیور ؛ اقامتگاهک تحریرینی امر ایدیور ؛ مقررات اتحاد
 ایلور ؛ اعلانلرینی شهرک هر طرفه یابیشدیرتیوردی . بعضاً حق قضاسنی
 پاریسک خارجنده توسیع ایدیوردی . هرشی دائرة صلاحیتی داخلنده
 ایدی . سوقاقلرده تحشدهات وقوعنده بر انفاق اندیشه سیله حکومت
 دائماً مضطربدی . بابی انجق یا غمورلی کونلرده مستریخ اولدیفنی سولیلور .
 ایشه بویه بر تضیق دائمی آلتده مملکت اداره اولنیور . خلقی مستبد
 بر حکمدار کبی کیفنه کوره بر جانی عفو ، بر معصومی قتل ایدیور .
 و حکمدار جدیدک کوچوک بر اعتراضی حشمتیه قارشنی بر جنایت کبی
 تلقی ایلنیور . حضورنده سرفرو برده زمین اولمقدن باشقه چاره
 سلامت مفقود !

شیدی اهالی کله جک هفته ده فرونده اتمک بوله جققلرینه امین
 اولمادقلری کبی ایچلرندن چوغی ده کله جک هفته ا کمکیجه کیتک ایچین
 یاره بوله میه جققلرینه امیندرلر . امنیت جان و مالک منسلب اولدیفنی
 آندن اعتباراً سعی و عملده یوق کیدر ؛ حقوق زعامه لرندن محروم
 ایدیلن اغنیا مصارفاتی تنقیص ایتدیکی کبی قسم اعظمی ده تحریات
 قومیتیه سنک تهدیدی ، اقامتگاهلرینک . ایکیده برده تحریسی ، خدمتچیلرینک
 جاسوسلانی کبی اسباب مختلفه دن دولانی مهاجرته مجبور اولمشلردر .
 نکر سکنه نک الک زنکین صنفنه اون بش کون طرفنده آلتی بیسک
 پساپورط ویرلمه سندن ناشی شکایت ایدیوردی . ۱۷۸۹ نهایتده اسویجزده
 فرانسز ملتچیلری اوقدر چوغالمش که اولر قیتلری نسبتده بدل ایچار

آلفہ باشلامشلدرد۔ قوت دارتوا، پرنس دوقوتی، دوق دوپوربون۔۔۔
 کبی بویوک مسرفلرک مهاجرتندن صوکرہ سندنہ بیکرلہ لیرا صرف
 اپدن اجنبیلرده یاواش یاواش چکیلک باشلادیلر۔ او درجہدہ کہ پارسده
 انجق اوج انکلز قالدی۔ پارس زینت و سفاهت مشہری اولوب بوتون
 اینجہ و قیتمدار حظوظاتک بر نوع لیونلخی کیدی۔ بر کرہ جامکانی
 قیرلدقن صوکرہ ہوسکاران ارتق دورمیور؛ نازک چچکلر صولہرق
 ہلاک اولویور: بونلری یتیشدیرن بیکرلہ بازوان مساعی ایچین ہیج
 ایشی یوق تاجرلر، قوبوجیلر یومیہ یکرمی سویہ چالیشتی ایچین
 یالواریورلر: حاصلی بر جوق ارباب تجارت، اصحاب صنایع ایشسز،
 مشتریسنز، آج، سفیل و پریشان بر حالده سوقاق اورتاسندن! بوتند باد
 احتراض و انفمال مواجہہ سندنہ ایشسز آوقاتلارلہ، جاہل غرتہ جیلر
 مففل، مشعشع جملہ لرلہ ملتہ مرکون مماشات عصیان نوازاندہ بولونیورلر۔
 بو آدملرک عجمی و یابوش قفالزندنہ ہیج بر فکر سیاسی یوق؛ نہ صلاحیت
 نہدہ تجربہ عملیہ۔ دہ موان یکرمی دوقوز، لوستالویکرمی یدی یاشندنہ؛ بوتون
 معلوماتلری و قتلہ مکتب حقوقدہ اوقویوبدہ خاطرلرندنہ قالان پارچہ لردن
 عبارت۔ بریسو و مارایہ کلنجہ خیالات و احتمالات و ہمیہ ایچندہ یاشایہرق
 ہر شئی برعدسہ اضطراب ایچندن سیر ایدیورلر۔ بویلہ صائمش فکرلر
 ایچین «مقالہ اجتماعیہ» بر انجیلہ کبی عد ایدلسی پک طبیعی در۔
 حریتک بویوک نامی آلتندہ ہرغرور و تفاخر انتقامنی، غداسنی آرایور۔
 بوتون فرانسه آمال حربصانہنک معرکہ جدالی اولویور۔ اختلالک حفرہ
 مجہولیتدن زروہ اتمارہ اصعاد ایتدیکی ذواتک چوغنی اساساً عطش
 ضرورت ایچندہ قاورولان بر سوری املشکستکاندن مرکبیدی۔